

329. O. stenobulbon Kränzl. n. sp. — Rhizoma crassiusculum. Pseudobulbi (ut videtur) solitarii, foliis 2 compressis, oblongis, falcatis, obtusis vel acutiusculis, ad 40 cm longis (majore) ad 3 cm latis suffulti, monophylli, arcte compressi, ancipites, utrinque in medio obscure bicostati, 5 ad 6 cm longi, 3,5 ad 4 cm lati. Folia pseudobulborum oblonga, obtusa, breviter et oblique apiculata, pergamenea, 7,5 cm longa, ultra 3 cm lata, erecta. Inflorescentia quam folia multo longior, nutans, paniculata, jam ab ipsa basi ramosa, ad 75 cm longa, rami inferiores 8 cm inter se distantes, pauciflori, fractiflexi, satis laxiflori, internodia inter flores 2 ad 2,5 cm longa, bracteae angustae, acutae, 4 mm longae, pedicelli cum ovariis 1,5 ad 1,8 cm longi, tenues. Sepala petalaeque vix latiora lanceolata, brevi-acutata, 1 cm longa, 2,5 mm lata, valde undulata. Labelli lobi laterales breves, divergentes, trianguli, apice rotundati, isthmus lobi intermedii subquadratus vel trapeziformis, lobus intermedius basi cordatus, antice sinuatus, ergo fere bipartitus, utrinque suborbicularis, crista labelli multi- et minute papillosa, totum labellum 1,2 cm longum, inter lobos laterales 8 mm, lobus intermedius 10 mm latus, 6 mm longus. Gynostemii alae subquadratae, margine integrae, tabula infrastigmatica valde protensa. — Flores lutei, purpureo-maculati, labellum antice luteum. — Fl. Maio et Junio.

Subäquatoriale andine Provinz. Costa Rica: am Rio Jesus (Endres!).

Nota. Planta habitu singulari, pseudobulbis valde compressis, foliis quam illi vix majoribus, panícula longa nutante eximia, floribus more *Altissimorum* a grege hujus sectionis difficillime distinguendis. Graviter fero, me structuram cristae haud ita accurate describere posse, quam fas est, in omnibus floribus a me examinatis partes interiores et putredine et insectis injuriatae fuerunt.